

**Naqqiut**

Oqaaseqaatit 24. februar 2016-imeersut taarserneqarput  
(Siunnersuut inatsimmut atuuttumut ataatsimoorussami skiimami naqqiissuteqartoqarpoq)

**Inatsisissatut siunnersuummut nassuiaatit****Nalinginnaasumik nassuiaatit****1. Aallaqqaasiut**

Siunnersuutip tunngavigaa Inatsisartut suliaasaqarfimmi tassani inatsisaata, tassa inuussutissarsiteqarnermik ilinniarfinnut sinaakkusiisup, atulernerata kingorna siunertamut naapertuuttoqannginnerata paasineqarnerata kingorna pisariaqartinneqalersimammat allannguisoqarnissaa.

Siunnersuummi ilaatigut anguniarneqarpoq inuussutissarsiutinik ilinniarfinnut inatsiseqartitsinikkut ersarissumik inatsisitigut tunngavissinnissaat Kalaallit Nunaanni inuussutissarsiutitigut qitiusumillu ilinniarfiit tigusinnaasaat ilinniartitsissutigisinnaasaallu atuarluarnerunissaat anguniarlugu, taamaalilluni ilinniarfiit inuussutissarsiutitigut ilinniarnernut atatillugu Akuerisaasumik inuussutissalerinermik sammiveqartumik ilinniartitsinermut aamma tassunga misilitsinnerit ingerlannerannut suliarinnittussarsiuussinnaassallugit. Tassunga atatillugu oqaatigineqassaaq ilinniarfiit namminneq ujartuinerisigut suliniutaammata.

Assinganik siunnersuummi paasiniarneqarpoq inuussutissarsiutinik qitiusumillu ilinniarfiit ingerlariaqqiffiusut ilaat Kalaallit Nunaanni ilinniarfinit allanik neqeroorutaanngitsut neqeroorutiginissaannut inatsisitigut tunngaviit suunersut qulaajassallugit.

Taakku saniatigut siunnersuummi anguniarneqarpoq ersarissarneqassasoq ilinniarfimmi sungiusarluni sulineq suliffeqarfimmit sungiusarluni sulinermit inuussutissarsiutitigut ilinniarfinni pingaaruteqarluinnartumit sussaqaannginnermut taartaassammat. Ilinniartup sungiusarluni sullivissatut innersuunneqartup sungiusarfigisinnaanngisaanik kinguneqartumik ilinniartup pisuussutiginnngisaanik inuttut immikkorluinnaq atugaqartoqarpat immikkut akuersissuteqarnissamut tassunga peqatigitillugu periarfissaqarpoq.

Siunnersuummi aamma siunertarineqarpoq ikorfartuissalluni inuussutissarsiutinik ilinniarfiit qullersai qaqugukkulluunniit ilinniarfiit tigusisussaaneersuunissaat, tassani siunertarineqarluni piginnaasanik paasisimasqaqarnissaat pillugu qulakkeerneqarnissaat, ilinniarfiit ataasiakkaanut naapertorlugit sulisussarsiortut naapertorlugit. Tassannga uiggiullugu siulersuisut issiasut siulersuisuujunnaannginnerminni piffissaagallartillugu kattuffinni sorlernit siulersuisunut ilaasortanngortitsissanersut ilisimatitsissapput, soorluttaaq siulersuisut qanoq amerlatigissanersut ilisimatitsissummi allaqqaassalluni. Naalakkersuisut siunnersuut

naapertorlugu ilisimatitsissut tamassuma kingorna oqaaseeqaateqarfigisinnaavaat . Siulersuisut kissaataat qitiusumik ilinniarfiup malittarisassaasa allanngortinneqarnissaannik pisariaqartitsinermik kinguneqassappata, siulersuisut atuuffiisa naanissaa kingusinnerpaamik qaammatit arfinillit sioqqullugit tamanna pillugu siunnersuummik akuerineqartussanngorlugu Naalakkersuisunut nassitsissapput.

Siunnersuutikkut aamma anguniarneqarpoq lærlingevarnermi isumaqatigiisummi imaluunniit ilinniarnermi isumaqatigiisummi sungiusarluni sulinerit tamakkerlugit allanneqarsinnaanngikkaangata qanoq iliortoqartarnissaa. Pingaartumik qitiusumik ilinniarfusinnaapput aalajangersimasumik sivisussusilimmik ilinniarfiullutik, ilinniartup suliffimmi sungiusarfissaqanngippat ilinniarfimmi sulilluni sungiusarnissaanut ilinniarfiup qulakkeerneqarsinnaalluni.

Siunnersuummi aamma siunertarineqarpoq ilinniartut atuarfimmi sulinerimik sungiusartut lærlingevarnermik isumaqatigiisummut ilaatinneqanngitsut tamanna ilinniarnerrannut sumut killinnersut paasissallugu.

Taakku saniatigut malittarisassaq peerneqarusuttoq tassaavoq inuit aalajangersimasumik qaffasissusilimmik ilinniarsimasut ilinniarnertik piinnarlugu inuussutissarsiutinik ilinniakkami iluanni pikkorissarnissamut atatillugu angalanerminnut unnuinermullu matussusiissutaasussaasunik tapiiffigineqarsinnaannginnerisa atorunnaarsinnissaa. Tamanna peqquteqarpoq nalilerneqarmat aalajangersagaq atuuttoq inunnut suliassaqarfimminni pikkorissaqqikkusuttunut pisariaqanngitsumik aporfilersuisuusoq. Malittarisassaq atuuttoq inunnut assersuutigalugu sivisuumik ingerlariaqqiffiusumik ilinniarsimasunut inuussutissarsiummullu allamut inuussutissarsiornermik ilinniartitaanerup iluanut nuussimasumut siullertut ajornartorsiutaavoq.

Naggataagulli inatsisissatut siunnersuut Oqaatsinik Pikkorissarfik pillugu Inatsisartut inatsisaannik atorunnaarsitsinermut aalajangersakkamik ilaqarpoq. Peqqutaasoq tassaavoq Oqaatsinik Pikkorissarfik maanna pikkorissartarfittut taamaallaat atuummat, qitiusumik allaffeqarfiup ataaniilluni, tamanna aamma inatsimmi ersersinneqarpoq. Apeqqut aamma Oqaatsinik Pikkorissarfip siulersuisuinit oqallisigineqarsimavoq, taakkulu atorunnaarnissaa inassutigisimallugu, tassami Oqaatsinik Pikkorissarfip ilinniarfittut taaguutaa suliassanillu isumagininnera immikkut tassunga inatsisiliornikkut tunngavissiinngimmat.

## **2. Inatsisissatut siunnersuummi immikkoortut pingaarnerit marluk**

### **a) Inatsisit atuuttut**

Inatsisit atuuttut tassaapput Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersoq, inatsisartut inatsisaatigut nr. 3, 4. juni 2012-meersukkut allanngortinneqartoq.

Ilinniarfiit allat allanut suliakkiutigineqarsinnaaneri pillugit:

Inatsisip § 5-iani allaqqavoq Naalackersuisut ilinniakkat nutaat pilersinnissaat akuerissagaat ilinniakkanillu atorunnaarsitsisinnaallutik. Aalajangersagarli taamaallaat inuussutissarsiutilerinermik ilinniarfinnut tunngavoq, tak. inatsimmi § 2 aamma Akuerisaasumik inuussutissalerinermik sammiveqartumik ilinniartitsinermut aamma tassunga misilitsinnerit ingerlannerannut tunnganani. Aalajangersagaq ilinniarfinnut ingerlariaqqiffiusunut tunnganngilaq.

Ilinniarfinni sungiusarluni sulisarnernut tunngasoq:

Ilinniarfimmi sungiusarluni sulinermut tunngatillugu inatsimmi § 25, imm. 2, oqaaseqatigiit pingajuanni allaqqavoq sungiusarluni sulinerup ilaa tamaalluunniit ilinniarfimmi ingerlanneqarsinnaasoq. Inatsimmili erseqqivissumik allaqqanngilaq ilinniarfimmi sungiusarluni ilinniarneq suliffeqarfimmi sungiusarluni ilinniarnermut sussaqqannginnermit taartaassasoq.

Siulersuisunut toqqaasarnermut tunngasoq:

Inatsimmi § 31, imm. 1-iani oqaaseqatigiinni siullerni allaqqavoq, qitiusumik ilinniarfiit pillugit tamarmik immikkut siulersuisunit 5-7-inik ilaasortalinnit aqutarineqassapput, taakkualu suliffissaqartitsinermi kattuffiit akornannit toqqarneqartassapput, malittarisassat ilinniarfiit ataasiakkaat ileqqoreqqusaanni aalajangersarneqartut naapertorlugit.

Aalajangersagaq inatsimmi § 35, imm. 7-imut ataneqartinneqassaaq, tassani allaqqalluni Naalackersuisut ilinniarfiit ataasiakkaat ileqqoreqqusaat akuerissagaat, taanna siulersuisunit suliarineqassaaq inuutissarsiutinik ilinniartitsinermut naalackersuisoqarfiup tamanut atuuttumik ileqqoreqqusaliala naapertorlugu.

Suli taamaalilluni piumasaqaataavoq siulersuisunik toqqaanermi ilinniarfiit ataasiakkaat ileqqoreqqusaannik tunngaveqarpoq, taakkulu Naalackersuisunit akuerineqartassapput. Tassani suleriaaseq piffissartornartoq pineqarpoq.

Ilinniartoqarneq pillugu isumaqatigiissusiortarneq:

Inatsimmi § 46, imm. 1 oqaaseqatigiinni siullerni allaqqavoq tunngaviummik inuutissarsiummik ilinniagaq naammassineqassappat piumasaavoq, ilinniartup aamma suliffeqarfiup ataatsip amerlanerilluunniit akornanni lærlingit imaluunniit ilinniartinneqarnissamik isumaqatigiissuteqartoqarsimanissaa. Aalajangersakkami tassani oqaaseqatigiit aappaanni allaqqavoq isumaqatigiissummut ilaassasut ilinniakkami sungiusarluni sulinissat ilinniarfimiittarnissallu tamarmik, tassunga ilanngullugit svendinngussalluni misilitsinnerujunnarnerit.

Aalajangersakkap kingunerisarpaa ilinniartoq ilinniakkaminik naammassinnissinnaanngitsoq, suliffeqarfik sungiusarluni suliffia oqarpat assersuutigalugu sungiusarluni sulinissaata affaannaanik neqeroorteqarsinnaalluni, naak qitiusumik ilinniarfiit kiisalu inuussutissarsiornermik ilinniarfiit oqartaraluartut sungiusarluni sulinerup sinnera atuarfimmi ingerlanneqarsinnaasoq.

### Inuussutissarsiutinut ilinniarfinni ilinniarfiit ingerlariaqqiffiusut sivikinnerit

Inatsimmi § 61, imm. 1, oqaaseqatigiit pingajuanni allaqqavoq sulisartunut ilinniagaqanngitsunut ilinniagaqarsimasunullu saaffiginnittuni, suliffissaaleqisut ilanngullugit, angalanernut najugaqarnernullu aningaasartuutinut tapiissuteqartoqarsinnaasoq, angalanernut unnuinernullu akissaatinut taperneqassagunik pikkorissarnerni taama ittuni peqataaneranni. Aalajangersagaq ilanngunneqarsimavoq eqqarsaatigineqarsimammat inuit ilinniarniarnermikkut taama inissisimasut allatut isumagineqarsinnaaniassammata. Tamanna taamaassimangitsoq malunnarsivoq inuussutissarsiutitigut ilinniarfinnut tunngasunik pikkorissartarnernut tunngatillugu.

### Oqaatsinik Pikkorissarfik pillugu inatsimmik atorunnaarsitsineq

Inatsisit tunngaviusut tassaapput Oqaatsinik Pikkorissarfik pillugu Inatsisartut inatsisaat nr. 14, 6. november 1997-imeersoq, aningaasanut inatsimmut 1997-imoortumut ataneqartillugu akuersissutigineqartoq. Tassunga atatillugu aalajangerneqarpoq oqaatsinik pikkorissarfeqalissasoq oqaatsinik ilinniarneq nukittorsarniarlugu.

Oqaatsinik Pikkorissarfik taakku saniatigut Oqaatsinik Pikkorissarfiup siulersorneqarnera pillugu Namminersorerullutik Oqartussat nalunaarutaat nr. 5, 16. februar 1998-imeersukkut aalajangersarneqarpoq.

Inatsimmi qulequtaatigut takuneqarsinnaavoq kiisalu inatsimmut nassuiaatini atuarneqarsinnaalluni oqaatsinik pikkorissarfiusoq, oqaatsinik ilinniarfiunani. Nalunaarummi aamma allaqqavoq siulersuisut nakkutigissagaat Oqaatsinik Pikkorissarfiup ingerlatai anguniagassatut najoqqutassatullu aalajangersarsimasami iluanni ingerlanneqarnersut.

Inatsit atuuttoq siunnerfittut inatsisiliornermilu sinaakkusiinertut isikkoqarpoq, tassani Oqaatsinik Pikkorissarfiup sulinera siunertaalu aalajangersarneqarlutik, Naalakkersuisullu inuiaqatigiit pisariaqartitaat naapertorlugit ersarinnerusunik aalajangersaasinnaallutik.

### b) Siunnersuut

Siunnersuutip kingunerissavaa Naalakkersuisut akuersereernerisigut inuussutissarsiutinut ilinniarfinnut atatillugu ilinniarfiit inuussutissarsiutitigut ilinniarnernut atatillugu Akuerisaasumik inuussutissalerinermik sammiveqartumik ilinniartitsinermut aamma tassunga misilitsinnerit ingerlannerannut suliarinnittussarsiuussinnaassallugit. Taakku saniatigut qitiusumik inuussutissarsiutinillu ilinniarfiit Naalakkersuisut tassannga akuersereernerisigut ilinniakkat ingerlariaqqiffiusut Kalaallit Nunaanni ilinniarfinnit allanit neqeroorutaanngippata ilinniagarineqartunik neqerooruteqartitsisinnaanissamut inatsimmik ikkussisoqassaaq.

Siunnersuummi ersarissarneqarpoq ilinniarfimmi sungiusarluni sulineq suliffeqarfimmit sungiusarluni sulinermit inuussutissarsiutitigut ilinniarfinni pingaaruteqarluinnartumit sussaqaannginnermut taartaassammat. Tamassuma kingunerissavaa ilinniartoq sungiusarluni

suliffissamik innersuunneqartumik itigartitsisoq atuarfimmi sungiusarluni sulisinnaanginnera. Soorlu aallaqqaasiinermi allaqqasoq malittarisassaq pingaarneq immikkut akuersissuteqarsinnaanermik ilaneqarpoq. Tamassuma kingorna ilinniartup pisuussutiginnigisaanik ilinniartup sungiusarluni sullivissatut innersuunneqartup sungiusarfigisinnaangisaanik kinguneqartumik inuttut immikkorluinnaq atugaqartoqarpat malittarisassamut pingaarnermut immikkut akuersissuteqartoqarsinnaavoq. Tassunga atatillugu piumasaqaataavoq immikkut akuersineq tamanna pillugu inunnik isumaginnittoqarfimmit nalunaarutikkut taparserneqarnissaa.

Siunnersuutip aamma kingunerissavaa siulersuisunik toqqaasarneq inuussutissarsiutinik ilinniartup ileqqoreqqusaannik siunissami tunngaveqartassanngimmat, kisiannili Naalackersuisunut tamanna sioqqullugu ilisimatitsisoqassalluni. Tassunga oqaatigineqassaaq kattuffiit attuumassutillit siulersuisuni ilaasortassanik sulit toqqaasartussaammata.

Siunnersuutip kinguneraa Naalackersuisut tamassuma kingorna ilisimatitsissummut oqaaseqaateqarsinnaanerat. Siulersuisut kissaataat qitiusumik ilinniartup malittarisassaasa allanngortinneqarnissaannik pisariaqartitsinermik kinguneqassappata, siulersuisut atuuffiisa naanissaa kingusinnerpaamik qaammatit arfinillit sioqqullugit tamanna pillugu siunnersuummik akuerineqartussanngorlugu Naalackersuisunut nassitsissapput

Aamma inatsimmik tunngavissiisoqarpoq Naalackersuisut qitiusumik inuussutissarsiutinilluunniit ilinniartup qinnuteqartoqareerneratigut lærlingeqarnermut imaluunniit ilinniarnissamut isumaqatigiissummik ilinniarnepungiusarluni sulinerit atuarfimiittarnerillu malittarisassiuunneqarnissaanik piumasaqaammut immikkut saneqqutsinissamut.

Taakku saniatigut siunnersuutip ilagaa ilinniartunut ilinniartup atuarfimmi isumaqatigiissuteqanngitsunut, matumani ilinniartup sungiusarluni sulinissaq, sulisitsisumit akissarsiaqartinneqanngitsunut ilinniarnermusiaqarnissaannut tunngasut qulaajarnerat.

Aamma siunnersuutigineqarpoq inatsimmi § 61, imm. 1, oqaaseqatigiit pingajuanni aalajangersagaq peqataasut annerpaamik inuussutissarsiutinik ilinniartitsinermut tunngasut iluanni sivikinnerusumik ingerlaqqiffiusumik ilinniagaqarnissaannut tunngasooq atorunnaassasoq. Inunnut inuussutissarsiummi iluani ilinniakkaminnut pikkorissarusuttunut pisariaqanngitsumik aporfissalersorneqarnerannik naliliinermik tunngaveqartinneqarpoq. Taamaalilluni inuit siornatigut sivisunerusumik ingerlariaqqiffiusumillu ilinniarnikunut inuussutissarsiummilu iluani qitiusumik ilinniartup allamut kingorna nuunnikunut aalajangersakkat maanna atuuttut ajoqusiisarnerat siunnersuutikkut peerniarneqarpoq.

Siunnersuut naggataagut aamma oqaatigineqareersutut Oqaatsinik Pikkorissarfik pillugu Inatsisartut inatsisaannik atorunnaarsitsisussamik ilaqarpoq. Oqaatsinik Pikkorissarfiup siulersorneqarnera pillugu Namminersornerullutik Oqartussat nalunaarutaat nr. 5, 16. februar

1998-imeersukkut Oqaatsinik Pikkorissarfik aalajangersarneqarpoq, taannalu peqatigalugu atorunnaassalluni.

Oqaatsinik Pikkorissarfiup suliassai taamaalilluni Naalakkersuisunit siunissami tunniunneqartassapput, tassungalu ataneqartinneqassaaq pikkorissarfik Naalakkersuisut nalinginnaasumik ilitsersuiffigisartagaasa ataaniimmat. Aamma assinganik atuupput anguniagassat tunaartarisassallu pillugit aalajangersaasarnernut suliassanillu akuersissuteqartarnermut apeqqutinut tunngasut.

Aallaqqaasiummi qulaani immikkoortumi allaaserinera siunnersuummilu aalajangersakkanut ataasiakkaanut nassuiaatit ataaniittut innersuunneqarput.

<b>Inatsisissatut siunnersuut inatsimmut maanna atuuttumut sanilliullugu</b>	
	<b>§ 1</b>
	Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersoq, inatsisartut inatsisaatigut nr. 3, 4. juni 2012-imeersukkut allanngortinneqartoq tunngavigalugu imatut allannguisoqarpoq:
<p><b>§ 5</b> Naalakkersuisut ilinniakkat nutaat pilersinnissaat akuerissavaat ilinniakkanillu atorunnaarsitsisinnaallutik.</p> <p><i>Imm. 2.</i> Aammattaaq Naalakkersuisut qitiusumik ilinniarfiit inuutissarsiutinillu ilinniarfiit ilinniartitsinermut pilersaarutaat akuersissutigisassavaat, qitiusumik ilinniarfiit siulersuisuisa aamma qitiusumik ataatsimiititaliat inassuteqareernerisigut, aamma qitiusumik ilinniarfinni ilinniakkanik akuersissutit tunuartissinnaavaat, qitiusumik ilinniarfiit siulersuisuisa aamma qitiusumik ataatsimiititaliat inassuteqareernerisigut. Taamaattoq Naalakkersuisut qitiusumik ilinniarfiit siulersuisuisa imaluunniit qitiusumik ataatsimiititaliat inassuteqarunnarnerat apeqqutaatinnagu, ilinniartitsinermut pilersaarummik akuersissut tunuartissinnaavaat, ilinniagaq</p>	<p><b>1. § 5</b> Naalakkersuisut ilinniakkat nutaat pilersinnissaat akuerissavaat ilinniakkanillu atorunnaarsitsisinnaallutik.</p> <p><i>Imm. 2.</i> Aammattaaq Naalakkersuisut qitiusumik ilinniarfiit inuutissarsiutinillu ilinniarfiit ilinniartitsinermut pilersaarutaat akuersissutigisassavaat, qitiusumik ilinniarfiit siulersuisuisa aamma qitiusumik ataatsimiititaliat inassuteqareernerisigut, aamma qitiusumik ilinniarfinni ilinniakkanik akuersissutit tunuartissinnaavaat, qitiusumik ilinniarfiit siulersuisuisa aamma qitiusumik ataatsimiititaliat inassuteqareernerisigut. Taamaattoq Naalakkersuisut qitiusumik ilinniarfiit siulersuisuisa imaluunniit qitiusumik ataatsimiititaliat inassuteqarunnarnerat apeqqutaatinnagu, ilinniartitsinermut pilersaarummik akuersissut tunuartissinnaavaat, ilinniagaq ilinniartitsinermut pilersaarut naapertorlugu</p>

<p>ilinniartitsinermut pilersaarut naapertorlugu ingerlanneqanngippat imaluunniit ilinniakkami atugassarititaasut pingaaruteqartutigut allanngorpata.</p> <p><i>Imm. 3.</i> Ilinniakkat akuerinissaannut piunasaavoq, ilinniartitsinermut pilersaarutit aamma ilinniakkap aaqqissugaanerata allaaserinera naammassisamik suliarineqareerlutik Naalakkersuisunit tiguneqarnissaat.</p> <p><i>Imm. 4.</i> Naalakkersuisut imm. 1 aamma 2-mi pissutsit, tassunga ilanngullugit ilinniartitsisut piginnaasariaqagaat, pillugit malittarisassanik aalajangersaasinnaapput.</p>	<p>ingerlanneqanngippat imaluunniit ilinniakkami atugassarititaasut pingaaruteqartutigut allanngorpata.</p> <p><i>Imm. 3.</i> Ilinniakkat akuerinissaannut piunasaavoq, ilinniartitsinermut pilersaarutit aamma ilinniakkap aaqqissugaanerata allaaserinera naammassisamik suliarineqareerlutik Naalakkersuisunit tiguneqarnissaat.</p> <p><i>Imm. 4.</i> Naalakkersuisut imm. 1 aamma 2-mi pissutsit, tassunga ilanngullugit ilinniartitsisut piginnaasariaqagaat, pillugit malittarisassanik aalajangersaasinnaapput.</p> <p><i>Imm. 5.</i> Inuussutissarsiutilerinermut ilinniarfiit Naalakkersuisut akuersitereernerisigut inuussutissarsiutinik ilinniarnermut atatillugu Akuerisaasumik inuussutissalerinermik sammiveqartumik ilinniartitsinermut aamma tassunga misilitsinnerit ingerlannerannut suliarinnittussarsiuussinnaavaat.</p> <p><i>Imm. 6.</i> Qitiusumik ilinniarfiit inuussutissarsiutinillu ilinniarfiit Naalakkersuisut akuersereernerisigut ilinniakkat ilaat ingerlariaqqiffiusut assingusut Kalaallit Nunaanni ilinniarfinnit neqeroorutaanngitsut neqeroorutigisinnaalissavaat.</p>
<p><i>Imm. 2.</i> Tunngaviusumik inuutissarsiutinik ilinniartitsinermi ilinniartoq suliffeqarfillu lærlingitut imaluunniit ilinniartinneqarnissamik isumaqatigiisummik atsioqatigiissapput. Inuutissarsiutinik ilinniartitsinerni allani sungiusarluni sulinissamik isumaqatigiittoqassaaq, sungiusarluni sulisarnissat ilinniarnermut ilaappata. Sungiusarluni sulineq tamarmi ilaaluunniit atuaatigaluni sungiusarnertut pisinnaavoq, tak. § 10, imm. 4.</p>	<p><b>2.</b> <i>Imm. 2.</i> Tunngaviusumik inuutissarsiutinik ilinniartitsinermi ilinniartoq suliffeqarfillu lærlingitut imaluunniit ilinniartinneqarnissamik isumaqatigiisummik atsioqatigiissapput. Inuutissarsiutinik ilinniartitsinerni allani sungiusarluni sulinissamik isumaqatigiittoqassaaq, sungiusarluni sulisarnissat ilinniarnermut ilaappata. Aaqqissuussisoqarsinnaavoq sungiusarluni sulinerit tamakkerlugit imaluunniit ilaannakortumik ilinniarfimmi ingerlanneqarsinnaapput atuaatigaluni sungiusarnertut, tak. § 10, imm. 4,</p>

	<p>ilinniartuq sungiusarluni suliffimmik allamik, matumanilu illoqarfimmi allami najugarinngisaani, neqeroorfigitikkaluarluni naameersimanngippat.</p>
<p><i>Imm. 2.</i> Tunngaviusumik inuutissarsiutinik ilinniartitsinermi ilinniartuq suliffeqarfilla lærlingitut imaluunniit ilinniartinneqarnissamik isumaqatigiisummik atsiogatigiissapput. Inuutissarsiutinik ilinniartitsinerni allani sungiusarluni sulinissamik isumaqatigiittoqassaaq, sungiusarluni sulisarnissat ilinniarnermut ilaappata. Sungiusarluni sulinuq tamarmi ilaaluunniit atuaatigaluni sungiusarnertut pisinnaavoq, tak. § 10, imm. 4.</p>	<p><b>3.</b> <i>Imm. 2.</i> Tunngaviusumik inuutissarsiutinik ilinniartitsinermi ilinniartuq suliffeqarfilla lærlingitut imaluunniit ilinniartinneqarnissamik isumaqatigiisummik atsiogatigiissapput. Inuutissarsiutinik ilinniartitsinerni allani sungiusarluni sulinissamik isumaqatigiittoqassaaq, sungiusarluni sulisarnissat ilinniarnermut ilaappata. Aaqqissuussisoqarsinnaavoq sungiusarluni sulinerit tamakkerlugit imaluunniit ilaannakortumik ilinniarfimmi ingerlanneqarsinnaapput atuaatigaluni sungiusarnertut, tak. § 10, imm. 4, ilinniartuq sungiusarluni suliffimmik allamik, matumanilu illoqarfimmi allami najugarinngisaani, neqeroorfigitikkaluarluni naameersimanngippat. Inunnik isumaginninnermi oqartussat tamanna pillugu nalunaaruteqarnerisigut uppersarneqartunik ilinniartup pisuussutiginnigisaanik ilinniartup sungiusarluni sullivissatut innersuunneqartup sungiusarfigisinnaangisaanik kinguneqartumik inuttut immikkorluinnaq atugaqartoqarpat tamanna pillugu qinnuteqartoqarneratigut Naalakkersuisut oqaaseqatigiit pingajuanni piumasqaatinut immikkut akuersisinnaapput.</p>
<p><i>Imm. 2.</i> Siulersuisunut ilaasortat qitiusumik ilinniarfiup suliamigut susassaqarfiiinut suliffissaqartitsiffinnullu ilinniarfiup naleqquffiinut attuumassuteqassapput. Siulersuisut ataatsimoorlutik ilinniartitsinikkut inerisaaneq, pitsaassutsimik qularnaarineq, aqutsineq, aaqqissugaaneq</p>	<p><b>4.</b> <i>Imm. 2.</i> Siulersuisunut ilaasortat qitiusumik ilinniarfiup suliamigut susassaqarfiiinut suliffissaqartitsiffinnullu ilinniarfiup naleqquffiinut attuumassuteqassapput. Siulersuisut ataatsimoorlutik ilinniartitsinikkut inerisaaneq, pitsaassutsimik qularnaarineq, aqutsineq, aaqqissugaaneq</p>



<p>aningaasaqarnerlu ilisimasaqarfigissavaat, taakkununga ilanngullugit missingersersuutinik naatsorsuutinillu naliliinerit aamma inuutissarsiutinik ilinniartitsinermi pitsaassutsimik ilisimasaqarneq.</p>	<p>aningaasaqarnerlu ilisimasaqarfigissavaat, taakkununga ilanngullugit missingersersuutinik naatsorsuutinillu naliliinerit aamma inuutissarsiutinik ilinniartitsinermi pitsaassutsimik ilisimasaqarneq. Siulersuisuni ilaasortat qassiunissaannik sulinermilu kattuffiit kikkut siulersuisut atuuffissaanni aggersumi toqqaasinnaatitaanissaannik kissaatigineqartut pillugit siulersuisut atuuffiisa naanissaa kingusinnerpaamik ukiumik ataatsimik sioqqullugu siulersuisut Naalackersuisunut ilisimatitsissuteqassapput. Naalackersuisut siulersuisut ilisimatitsissutaasa tигunerata kingorna piffissap qaammatit pingasut iluanni kissaatigineqartut oqaaseqaateqarfigisinnaavaat. Siulersuisut kissaataat qitiusumik ilinniarfiup malittarisassaasa allanngortinneqarnissaannik pisariaqartitsinermik kinguneqassappata, siulersuisut atuuffiisa naanissaa kingusinnerpaamik qaammatit arfinillit sioqqullugit tamanna pillugu siunnersuummik akuerineqartussanngorlugu Naalackersuisunut nassitsissapput.</p>
<p><b>§ 46.</b> Tunngaviusumik inuutissarsiummik ilinniagaq naammassineqassappat piunasaavoq, ilinniartup aamma suliffeqarfiup ataatsip amerlanerilluunniit akornanni lærlingitut imaluunniit ilinniartinneqarnissamik isumaqatigiissuteqartoqarsimanissaa. Isumaqatigiissummut ilaassapput ilinniakkami sungiusarluni sulinissat ilinniarfimmittarnissallu tamarmik, tassunga ilanngullugit svendinngussalluni misilitsinnerujunnarnerit. <i>Imm. 2.</i> Suliffeqarfiit arlallit isumaqatigiissummut peqataappata, isumaqatigiissummi ersissaaq,</p>	<p><b>5. § 46.</b> Tunngaviusumik inuutissarsiummik ilinniagaq naammassineqassappat piunasaavoq, ilinniartup aamma suliffeqarfiup ataatsip amerlanerilluunniit akornanni lærlingitut imaluunniit ilinniartinneqarnissamik isumaqatigiissuteqartoqarsimanissaa. <i>Imm. 2.</i> Isumaqatigiissummut ilaassapput ilinniakkami sungiusarluni sulinissat ilinniarfimmittarnissallu tamarmik, tassunga ilanngullugit svendinngussalluni misilitsinnerujunnarnerit. Naalackersuisut qitiusumik ilinniarfinit inuussutissarsiutinilluunniit ilinniarfinit qinnuteqartoqareernerisigut immikkut</p>

<p>ilinniarfimmiinnerit sungiusarlunilu sulinerit suut suliffeqarfiit ataasiakkaat peqataaffiginaat.</p> <p><i>Imm. 3.</i> Isumaqatigiinnermi suliffeqarfik imminut pisussaaffilersinnaavoq, ilinniartup ilinniarnerata ilaa suliffeqarfimmi allami ingerlatsikkumallugu.</p> <p><i>Imm. 4.</i> Inuutissarsiutinik ilinniartitsinerit Naalakkersuisunit akuerisaasut, lærlingitut ilinniartinneqarnissamilluunniit isumaqatigiissuteqarnissamik piunasaqaateqarfiunngitsut aamma atuaatigaluni sungiusarluni sulineq, imm. 1-3-mi ilaatinneqanngillat.</p>	<p>akuersissuteqarsinnaapput, ilinniarfik atuarfimmi sulilluni sungiusarnissamut pisariaqartinneqartunik atortoqarpat uppernarsarsinnaallugulu ilinniartup sungiusarluni sulinera atuarfimmi sungiusarluni sulinermigut naammassisinnaagaa. Ilinniartut atuarfimmiittarluni ilinniarnissamik isumaqatigiissuteqanngitsut, matumani atuarfinni sungiusarlutik sulinissaq aamma eqqarsaatigalugu, suliffeqarfimmit akissarsiaqanngitsutut tunngaviummik inuussutissarsiummik ilinniartutut isigineqassapput.</p> <p><i>Imm. 3.</i> Suliffeqarfiit arlallit isumaqatigiissummut peqataappata, isumaqatigiissummi ersissaaq, ilinniarfimmiinnerit sungiusarlunilu sulinerit suut suliffeqarfiit ataasiakkaat peqataaffiginaat.</p> <p><i>Imm. 4.</i> Isumaqatigiinnermi suliffeqarfik imminut pisussaaffilersinnaavoq, ilinniartup ilinniarnerata ilaa suliffeqarfimmi allami imaluunniit atuarfimmi sungiusarluni sulineq ingerlatsikkumallugu.</p> <p><i>Imm. 5.</i> Inuutissarsiutinik ilinniartitsinerit Naalakkersuisunit akuerisaasut, lærlingitut ilinniartinneqarnissamilluunniit isumaqatigiissuteqarnissamik piunasaqaateqarfiunngitsut aamma atuaatigaluni sungiusarluni sulineq, imm. 1-3-mi ilaatinneqanngillat.</p>
<p><b>§ 61.</b> Aningaasanut inatsimmi aningaasaliissutissatut aalajangiunneqartut iluanni, inuutissarsiutinik ilinniartitsineritut tunngasutigut pikkorissaanerni, sulisartunut ilinniagaqanngitsunut ilinniagaqarsimasunullu saaffiginnittuni, suliffissaaleqisut ilanngullugit, angalanernut najugaqarnernullu aningaasartuutitut tapiissuteqartoqarsinnaavoq. Peqataasut</p>	<p><b>6.</b> § 61, imm. 1 imaattunik oqaasertaqassaaq: "Aningaasanut inatsimmi aningaasaliissutissatut aalajangiunneqartut iluanni, inuutissarsiutinik ilinniartitsineritut tunngasutigut pikkorissaanerni, sulisartunut ilinniagaqanngitsunut ilinniagaqarsimasunullu saaffiginnittuni, suliffissaaleqisut ilanngullugit, angalanernut</p>

annerpaamik inuutissarsiutinik ilinniartitsinermit tunngasut iluanni sivikinnerusumik ingerlaqqiffiusumik ilinniagaqassapput."	najugaqarnernullu aningaasartuutitut tapiissuteqartoqarsinnaavoq."
	<p style="text-align: center;"><b>§ 2</b></p> <p>Inatsisartut inatsisaat aggustip aallaqqaataani 2016-imi atuutilissaaq.</p> <p><i>Imm. 2.</i> Oqaatsinik Pikkorissarfik pillugu Inatsisartut inatsisaat nr. 14, 6. November 1997-imeersoq tassunga peqatigitillugu atorunnaarsinneqarpoq.</p> <p><i>Imm. 3.</i> Siulersuisut inatsisip atuutilernerata nalaani siulersuisuujunnaarnissaminnut ukiumik ataatsimik sivikinnermik sioqqutsillutik § 1, nr. 4-imi eqqaaneqartutut piaarnerpaaq atorlugu inassuteqaatiminnik tunniussissapput.</p>

### **3. Pisortanut aningaasatigut allaffissornikkullu kingunerisassat**

Siunnersuut ilimagineqarpoq inuussutissarsiutinik ilinniartut uniinnartartut ikilinerannik kinguneqassasoq, tunngaviusut naapertorlugit qassiorpiartarnerannik kisitsisitalersinnaangikkaluarlugit. Kiisalu siunnersuut ilimagineqarpoq inuussutissarsiutinik ilinniartitaaneq tamaat isigalugu pisariillisaataassasoq. Taakkua taaneqartut saniatigut nalilerneqarpoq siunnersuut aningaasaqarnikkut allaffissornikkullu pisortanut allanik kinguneqassanngitsoq.

### **4. Inuussutissarsiortunut aningaasaqarnikkut allaffissornikkullu kingunerisassat**

Suliffeqarfiit ilaasa qitiusumik ilinniarfiit inuussutissarsiutinilluunniit ilinniarfiit lærlinginik ajornannginnerusumik sulisitsilernissaminnut suliffeqarfimmi sungiusarluni sulinerup ilaani atuarfimmi sungiusarluni sulisinnaanissaannik qulakkeerinnissutaasumik siunnersuut pisariillisaataasinnaassasoq naatsorsuutigineqarpoq.

### **5. Avatangiisinut, pinngortitamut innuttaasullu peqqissusaannut kinguneri**

Inatsisissatut siunnersuut avatangiisinut pinngortitamullu kinguneqassanngilaq.

### **6. Innuttaasunut kinguneri**

Siunnersuutip kingunerissavaa Akuerisaasumik inuussutissalerinermik sammiveqartumik ilinniarnermik tassungalu misilitsinnerit inuussutissarsiutinik ilinniarnernut atatillugu atuarfiit neqeroorutigisinnaalissamatigit. Atuartut fagini ataasiakkaani peqataasarnerminni pikkorissarneqassapput, taamaalillutillu ilinniarnerminnik naammassinninnissaminnut tunngavissaqarluarnerulissallutik ilinniaqqinnissaminnullu piareersimanerulissallutik. Tassa imaappoq, atuortoq inuussutissarsiutinik ilinniarfiit piumasaqaataannik

naammassinninnissaminut sakkussaqaernerulissaaq, taamaattumillu naatsorsuutigineqarpoq ilinniarnep naammassinissaanut periarfissagissaarnerulissalluni.

Lærlingit ajornannginnerusumik suliffeqarfimmi sungiusarluni sulinerup ilaani atuarfimmi sungiusarluni sulisinaanissaannut siunnersuut pisariillisaataasinnaassasoq aamma naatsorsuutigineqarpoq. Aamma oqaatigineqassaaq lærlingit atuarfinni sungiusarlutik sulilinnginneranni sungiusarluni suliffissamik innersuunneqarunik akuersisussaataitanerat periaatsimik atorneqartumik erseqqissaanerummat.

### **7. Pingaarutilittut kinguneqaataasinnaasut allat**

Inatsisissatut siunnersuut Naalagaaffeqatigiinnermut imaluunniit namminersorluni oqartussaanerup ingerlanneqarneranut tunngatillugu kinguneqartitsinngilaq.

### **8. Oqartussaasut kattuffiillu tusarniaaffigineqarnerat**

Siunnersuut piffissami 4. december 2015-imit 8. januar 2016-imut ukununga tusarniaassutigineqarpoq:

Naalakkersuisut Siulittaasuata Naalakkersuisoqarfia

Aningaasaqarnermut Naalakkersuisoqarfik

Ineqarnermut, Sanaartornermut Attaveqarnermullu Naalakkersuisoqarfik

Pinngortitamut, Avatangiisinut Inatsisinillu Atuutsitsinermit Naalakkersuisoqarfik

Peqqissutsimut Naalakkersuisoqarfik

Aalisarnermut, Piniarnermut Nunalerinermullu Naalakkersuisoqarfik

Inuussutissarsiornermut, Suliffeqarnermut Niuernermullu Naalakkersuisoqarfik

Ilaqtariinnermut, Naligiissitaanermut Isumaginninnermullu Naalakkersuisoqarfik

Aatsitassanut Ikummatissanullu Naalakkersuisoqarfik

Sulisitsisut (GE)

SIK

KANUKOKA

NUSUKA

IMAK

AK

ASG

Ilisimatusarfik

Avannaani Ilinniarnertuunngorniarfik/Nordgrønlands Gymnasium

Qeqqani Ilinniarnertuunngorniarfik/Midtgrønlands Gymnasium

Campus Kujalleq

Kalaallit Nunaanni Teknikimik Ilinniarfik (KTI)

INUILI

Imarsiornermik Ilinniarfik

NI-Nuuk

Peqqissaanermik Ilinniarfik

Perorsaanermik Ilinniarfik

Savaatilinnorniat Ilinniarfiat/Fåreholderskolen  
Aalisarnermik Piniarnermillu Ilinniarfik  
Eqqumiitsuliornermik Ilinniarfik  
Aarhus-imi Kalaallit Illuat  
Odense-mi Kalaallit Illuat  
Aalborg-imi Kalaallit Illuat  
København-imi Kalaallit Illuat  
Kommuneqarfik Sermersooq.  
Kommune Kujalleq  
Qeqqata Kommunia  
Avalak  
Kisaq  
KIK  
Siunnersuisartunik Ilinniarfik

Tusarniaanermut killissarititap naanerani makkunanga akissuteqaatit tiguneqarput:  
ASG, GUX Aasiaat, Pinnngortitamut, Avatangiisinut Inatsisinillu Atuutsitsiner  
Naalakkersuisoqarfik, Ilaqutariinnermut, Naligiissitaanermut Isumaginninnermullu  
Naalakkersuisoqarfik, Qaasuitsup Kommunia, taakkulu siunnersuummut  
oqaaseqaatissaqanngillat.

Aammattaq tusarniaanermi akissutinik ukuninnga tigusisoqarpoq MIO, Kommuneqarfik  
Sermersooq, SIK, Sulisitsisut, AK, Ilisimatusarfik, aamma Kommune Kujalleq, taakkulu  
tusarniaanermut tapersiissutaat tusarniaanermi akissutit pillugit allakkiami allaaserineqarput.

Sulisitsisunit tusarniaanermi akissut tunngavigalugu siulersuisussanik toqqaaniarnermut  
Naalakkersuisut akiliussinnaanerannut periarfissaq pillugu siunnersuummi aalajangersagaq  
allaqqasoq peerneqarpoq. Tamassuma kinguneraa siulersuisunik toqqaanermi qitiusumik  
ilinniarfiit malittarisassaannik killilersorneqarnera ingerlaannassasoq. Aalajangersagassatut  
siunnersuutigineqartoq maannakkut imatut oqaasertalerneqarpoq, Siulersuisuni ilaasortat  
qassiunissaannik sulinermilu kattuffiit kikkut siulersuisut atuuffissaanni aggersumi  
toqqaasinnaatitaanissaannik kissaatigineqartut pillugit siulersuisut atuuffiisa naanissaa  
kingusinnerpaamik ukiumik ataatsimik sioqqullugu siulersuisut Naalakkersuisunut  
ilisimatitsissuteqassasut. Naalakkersuisut tamatuma kingorna tamanna  
oqaaseqaateqarfigisinnaavaat. Aalajangersagaq kinguneqarpoq siulersuisut atuuffiisa  
naatinnagu piffissaqartitsisilluarlutik siulersuisut piffissaq atuuffisaat aggersoq pillugu  
isumaliluteqassasut.

Aalajangersakkap allannguutivia taamalilluni tassaavoq, siulersuisut atuuffiisa marluk  
sukkanerusumik ajornannginnerusumillu pinissaa siunertaralugu siulersuisut piffissaq  
atuuffissaasa aggersup aaqinneqarnissaata siuartinneqarnera. Taamaalilluni malittarisassat  
allanngortinneqarnissaat pillugu inassuteqarneq nassiunneqartinnagu siulersuisunik  
aaqqiissaq pillugu siusinnerusukkut isumaliuteqarnissaq oqaloqatigiinnissarlu  
periarfissinneqarnerussaaq.

Taamaalilluni ilinniarfiit malittarisassaat suliarineqarnikoq atorlugu qitiusumik ilinniarfiit ataasiakkaat siulersuisunik toqqaasarnermik aaqqiisarnerat ingerlaannassaaq. Aalajangersakkami tatiginninneq suliassat suliarineqartarneranni annertunerusumik kiffaangissuseqarluni akisussaaffeqarlunilu qitiusumik ilinniarfiit namminneq aqutsinissaat pillugu inatsimmi atuuttumi pingaarnertut tungavittut ilisarnaataasoq malinneqarpoq.

Tamassuma saniatigut Inatsisartut Allattoqarfianni Inatsisinik Teknikkikkut Suliaqartarfiup tamanna pillugu oqaaseqaataa malillugu ilinniarfiit sungiusammik suliffissamik itigartitsisut atuarfimmi sulineramik sungiusarnissamik neqeroorfigineqannginnissaat pillugu malittarisassamut immikkut akuersisinnaaneq ilanngunneqarpoq.

Tusarniaaneq eqqarsaatigalugu tusarniaanermi akissutit pillugit allakkiaq ilanngunneqartoq innersuussutigineqarpoq, tassani tusarniaanermut tapiissutit allaaserineqarput.

## **Inatsisissamut siunnersuummi aalajangersakkanut ataasiakkaanut nassuiaatit**

### *§ 1-imut*

Nr. 1-imut

Aalajangersakkakkut pisinnaalerpoq Akuerisaasumik inuussutissalerinermik sammiveqartumik ilinniarfiit tassungalu misilitsinnernut aallarnisaataasumik fagimik qitiusumik inuussutissarsiutinilluunniit ilinniarfiit inuussutissarsiutinik ilinniarnermut atatillugu ingerlatsisinnaanerit. Taamaalilluni Akuerisaasumik inuussutissalerinermik sammiveqartumik ilinniarfiit neqerooruteqartoqarsinnaaneq pineqanngilaq. Inunnut inuussutissarsiutinik ilinniarfinnut tigusaasimasunut sammitinneqartumik inuussutissarsiutinik ilinniarnermut ilaatillugu ilinniarfiit aaqqissuunneqassaaq.

Aalajangersagaq inunnut inuussutissarsiutinik ilinniarnissaminnut piomasagaatinik naammassinnissimanngitsunut sammitinneqarneruvoq, tassami assersuutigalugu meeqqat atuarfiannik naammassinnissimanatillu AEU-mik ingerlataqarsimannginnamik.

Aalajangersakkami imm. 2-mi ilinniakkanut ingerlariaqqiffiusunut tunngatillugu piomasagaataavoq ilinniagaassasoq ingerlariaqqiffiusoq imarisamigut nunatsinni ilinniarfinnit allanit neqeroorutaanngitsoq. Tamanna isumaqarpoq ilinniarfiit inatsisissamut unammilleqatiginnermik aallartitsinissamut aalajangersagaq atornerqarsinnaanngitsoq.

Nr. 2-mut

Aalajangersakkami siunertarineqarpoq erseqqissassallugu atuarfinni sulilluni sungiusarnerit siullertut toqqagassaangimmata taamaalillunilu inuussutissarsiutinik ilinniarnermi ilaatigut suliffeqarfimmi sungiusarluni sulineq tunulequtaralugu naammassineqarsinnaaneranik pingaarnertut malittarisassamik tunngaviatigut malinninnginnerulluni. Aalajangersakkami aamma allaqqavoq ilinniartuq inunntut allattorsimaffiata avataaniittumut sungiusarluni suliffissaanik innersuunneqaraluarluni akuersinngitsoq atuarfimmi sungiusarluni sulinissaanik neqeroorfigineqarsinnaangitsoq.

Nr. 3-mut

Aalajangersagaq kinguneqarpoq ilinniartut sungiusaammik suliffissatut neqeroorutigineqartumik akuersinngitsut, tassunga ilanngullugu illoqarfimmi allami, atuarfimmi sungiusaammik sulinissamik neqeroorfigineqannginnissaat pillugu immikkorluinnaq pissutsit atuutsillugit malittarisassamit pingaarnermi immikkut akuersissuteqartoqarsinnaasoq. Assersuutigalugu tassaasinnaavoq angajoqqaq kisimmaa, sungisaammik sulinerup sivisussia pissutigalugu meeqqap nooqataasup illoqarfimmi pineqartumi inissaqannginneranik uppersarsaasoq. Aalajangersakkami allaqqavoq immikkut akuersinissamut piomasqaataasoq inuttut atukkat pissutigalugit ilinniartup sungiusaammik suliffissatut innersuunneqartumik akuersisinnaanginnera inunnik isumaginninnermi oqartussat nalunaaruteqassasut.

Nr. 4-mut

Aalajangersaq inatsimmi atuuttumi § 35, imm. 7-imut ilassutaavoq, tassani allaqavoq siulersuinik toqqaaneq qitiusumik ilinniarfiit malittarisassaannit killilersorneqartoq. Kattuffiit qitiusumik ilinniarfiit suliaqarfinnut ilinniartitsivigisaannut suli attuumassutillit toqqaannartumik siulersuisunut ilaasortanik ataasiakkaanik toqqaasassapput. Allannguutaa tassaavoq siulersuisuni ilaasortat qassiussanersut sulinermilu kattuffiit kikkut siulersuisut atuuffissaanni aggersumi ilaasortanik toqqaassanersut siulersuisuujunnaartussat Naalackersuisunut ilisimatitsissummik nassitsissasut.

Inatsimmi atuuttumi § 35, imm. 7 naapertorlugu qitiusumik ilinniarfiit ataasiakkaat malittarisassaannik Naalackersuisut akuersigaangamik kattuffiit suliassaqarfinnut ilinniartitsinermut attuumassuteqarnersut Naalackersuisut tassunga peqatigitillugu nakkutigissavaat.

Periuseq tassaassaaq siulersuisut issiasut siulersuisuujunnaanginnerminni ukioq ataaseq sioqqullugu kattuffiit sorliit siulersuisuuffimmi tullermi siulersuisunut ilaasortassanik toqqaasussanersut taakkulu qassiussanersut Naalackersuisunut ilisimatitsissuteqassasut. Naalackersuisut tamatuma kingorna siulersuisuujunnaalersut kissaataat oqaaseqaateqarfigisinnaavaat.

“Kissatigineqartut” aalajangersakkami oqaaseqatigiit aappaanni atorneqartumi pissutsit aalajangersakkamik inaarutaasumik killilersorneqartut pineqarput, tak. inatsimmit atuuttumi §

35, imm. 7. Siulersuisut qassit ilaasortaanissaannik inaarutaasumik aalajangiineq kiisalu kattuffiit toqqaasinnaatitaanersut taamaalilluni malittarisassani killilersorneqarnerat ingerlaannassaaq.

Aalajangersakkap allannguutivia taamalilluni tassaavoq, siulersuisut atuuffiisa marluk sukkanerusumik ajornannginnerusumillu pinissaa siunertaralugu siulersuisut piffissaq atuuffissaasa aggersup aaqqinneqarnissaata siuartinneqarnera. Taamaalilluni malittarisassat allanngortinneqarnissaat pillugu inassuteqarneq nassiunneqartinnagu siulersuisunik aaqqiissaq pillugu siusinnerusukkut isumaliuteqarnissaq oqaloqatigiinnissarlu periarfissinneqarnerussaaq.

Nr. 5-imut

Aalajangersakkami allaqqavoq aalajangersakkami atuuttumi imm. 1 immikkoortunut 1-imut 2-mullu avinneqartoq.

Imm. 1-imi ingerlatitseqqinneruvoq malittarisassamik tunngaviusumik, tassalu inuussutissarsiutinik ilinniarnertit lærlinginut isumaqatigiissuteqarnissamik imaluunniit ilinniarnermut isumaqatigiissuteqarnissamut piumasaqaatit. Kiisalu lærlinginut isumaqatigiissutit imaluunniit ilinniarnissamut isumaqatigiissutit pingaarnertut sunik imaqaassanersut pillugit piumasaqaatit imm. 2-mi nutaajusumi oqaaseqatigiinnut siullernut immikkoortinneqarpoq.

Nr. 5-ikkut inatsimmi atuuttumi § 46-mi allanngortinneqarpoq imm. 2-mi oqaaseqatigiinnik aappaannik nutaanik ikkussinikkut, tassani pineqarluni tunngaviusumik inuutissarsiummik ilinniagaq naammassineqassappat piumasaavoq, ilinniartup aamma suliffeqarfiup ataatsip amerlanerilluunniit akornanni lærlingit imaluunniit ilinniartinneqarnissamik isumaqatigiissuteqartoqarsimanissaa, isumaqatigiissummut ilaassapput ilinniakkami sungiusarluni sulinissat ilinniarfimmittarnissallu tamarmik, tassunga ilanngullugit svenningussalluni misilitsinnerujunnarnerit.

Aalajangersakkakkut piumasarineqarpoq qitiusumik ilinniarfiit imaluunniit inuussutissarsiutinik ilinniarfiit ilaatinneqarnissaat, tassami immikkut akuersissuteqartoqassappat qitiusumik ilinniarfinit imaluunniit inuussutissarsiutinik ilinniarfinit qinnuteqaatit tunngavigalugit taamaallaat nalunaarutigineqarsinnaammat. Tassunga atatillugu pingaaruteqarlunnarpoq atuarfiup qularnaatsumik uppersarsinnaassagaa assersuutigalugu atuarfiup initai, sakkut il.il. innersuunnerisigut, taamaalilluni qularnaarlugu ilinniartup sungiusarluni sulinermi amigaataa atuarfimmisungiusarluni sulilluni ingerlassinnaagaa. Aalajangersakkakkut aamma ilanngunneqarpoq sungiusarluni sulinertut ilaa sulisitsisumi suliffeqarfimmi sungiusarluni sulinertut ingerlanneqassasoq.



Kiisalu aalajangersakkami imm. 2-mi oqaaseqatigiinnik nutaannik naggaserneqarpoq, tassani taamaallaat siunertaalluni ilinniagaqarner-siuteqartarneq pillugu malittarisassat malillugit ilinniagaqarnermusiaqarsinnaanermut ilinniartunut ilinniarnermut isumaqatigiissusiorsimanngitsunut tunngasunik apeqqutinik qularnaarinissaq.

Nr. 6-imut

Aalajangersagaq isumaqarpoq pikkorissarnernut tapiissutinik tunniussisoqassatillugu aalajangiisuusartoq siunissami pikkorissarneq inuussutissarsiutinik ilinniarnermik imaqarner-soq apeqqutaalissammat. Aalajangersakkamut atuuttumut tunngatillugu ilinniakkap qaffasissusaanut tunngatillugu killiliineq kiisalu inuutissarsiutinik ilinniartitsinermut tunngasutigut pikkorissaanerni, sulisartunut ilinniagaqanngitsunut ilinniagaqarsimasunullu taamaallaat saaffiginnittunut piumasagaatit atorunnaarput. Tamanna peqquteqarpoq piumasagaatit taakku pisariaqannginnamik, ersippat pikkorissarnernut inuussutissarsiutinut tunngasunuinnaq tapiissuteqartoqarsinnaasoq.

#### *§ 2-mut*

Aalajangersakkami siunnersuutip piffissaq atuutilerfissaa nalunaarutigineqarpoq.

Imm. 2-mi pineqarpoq Oqaatsinik Pikkorissarfik pillugu Inatsisartut inatsisaata atorunnaarsinnera. Soorlu oqaaseqaatini nalinginnaasuni allaqqasoq tamassumunnga pissutaavoq Oqaatsinik Pikkorissarfiup maannakkut taamaallaat pikkorissartarfiulernera qitiutsumik allaffissuup ataaniittoq, tamannalumi inatsimmi aamma ersippoq. Tamassuma kinguneraa Oqaatsinik Pikkorissarfiup atorfeqarfittut inissimanerata suliasanillu suliarinnittarnerata tamakku pillugit immikkut inatsiseqarnissaata tunngavissaqannginnera. Oqaatsinik Pikkorissarfimmi ingerlatani atugassarititat taamaalillutik Naalackersuisunit siunissami aalajangersarneqarsarneqassapput, tamannalu anguniakkat najoqqutassallu kiisalu ingerlatsinermut pilersaarutinik akuersisarneq pillugit apeqqummi aamma atuuppoq.

Aalajangersakkap imm. 3-ani pineqarpoq siulersuisut inatsisip atuutilernerani suliffissaat ukioq ataaseq inorlugu pissutit.